

卷七



書名 文章辨體五十卷 天順八年刊本
 撰者 明 吳訥 輯
 卷 卷七
 內容分類 集 總集 詩文
 索書號 集部 總集 47
 編號 D7914800

彩色首頁1

東洋文化研究所漢籍目錄 編號: D7914800

東洋文化研究所漢籍目錄所藏漢籍善本文影像資料庫 索書號: 集部 總集 47

漢籍善本文影像資料庫本文 文章辨體五十卷 天順八年刊本

版權所有: 東京大學 東洋文化研究所

使用上的注意事項

文章辨體卷之一

古歌謠辭

康衢謠

列子堯治天下五十年不知天下治歟不治歟億
 兆戴已歟不願戴已歟乃微服遊康衢聞兒童謠云
 我烝民莫匪爾極不識不知順帝之則

擊壤歌

逸士傳堯時有八九十老人擊壤而歌壤以木為
 之長三四寸先側一壤于地遙以手中壤擊中者
 為上


而作日入而息鑿井而飲耕田而食帝力於我何有哉
 南風詩

海虞後學吳訥

編集




所究研京東院學化文方東
No. 2043





文華辨體卷之七



樂府二

愷樂歌辭 軍禮

鼓吹饒歌曲

一曰短簫饒歌劉瓛定軍禮云鼓吹未知其始也

漢班壹雄朔野而有之矣嗚茄以和簫聲非八

也騷人曰鳴篴吹竽是也 禮樂志曰漢

品其四曰短簫饒歌軍樂也 禮有長簫

書曰饒者如鈴無舌周禮以金饒止鼓

以饒止之而歌也然鼓自一物吹自簫

漢

古今樂錄曰

大饒歌

曲字

海虞後



朱鷺二曰悲思翁三曰艾如張四曰

擁離六曰戰城 七曰巫山高八曰上

進酒十曰君馬黃十一曰芳樹十二曰

三曰雉子班十四曰聖人出十五曰上邪

臨高臺十七曰遠如期十八曰石留又有

雲黃爵釣竿其辭已亡擁 曰翁離而諸

辭率多殘缺難曉云

朱鷺

儀禮大射儀曰建鼓在阼階西南鼓傳云建猶樹也木貫而載之樹之跗也隋書樂志曰建鼓殷所作又棲翎鷺於其上不知何代所加或曰鷺也取其聲揚而遠聞或曰鷺鼓精也或曰皆非也詩云振振鷺鷺于飛鼓咽咽醉言歸言古之君子



周道之衰頌聲之息飾鼓以鷺存其風流未知孰是孔穎達曰楚威王時有朱鷺合沓飛翔而來舞舊鼓吹朱鷺曲是也然則漢曲蓋因飾鼓以鷺而名曲焉宋何承天朱鷺篇曰朱鷺揚和鸞翠蓋曜金華但盛稱路車之美漢曲異矣

朱鷺魚以鳥路訾邪鷺何食食茄下不之食不以吐將以問誅一作者

思悲翁 其義未詳

思悲翁唐思奪我美人侵以遇悲翁也但我思蓬首狗逐姦食交君臯子五臯毋六拉杳高飛暮安宿

艾如張

艾與刈同說文曰艾草也如讀為而穀梁傳曰艾蘭以為防置旃以為轅門謂因蒐狩以習武事

也
艾而張羅夷於何行成之四時和山出黃雀亦有羅雀以高飛
奈雀何爲此倚欲誰肯礫室

上之回

漢武元封初因至雍遂通回中道後數遊幸其
稱帝遊石關望諸國月支臣匈奴服蓋誇時事
上之回所中益夏將至行將北以承甘泉宮寒暑德游石關望
諸國月支臣匈奴服今從百官疾驅馳千秋萬歲樂無極

翁離

一作擁離其意未詳

擁離趾中可築室何用葺之蕙用蘭擁離趾中

戰城南

此言野死不得葬爲烏鳥所食願爲忠臣義士朝
出戰而暮不得歸也

戰城南死郭北野死不葬烏可食爲我謂烏且爲客豪野死諒
不塋腐肉安能去子逃水深激激蒲葦冥冥烏騎戰鬪死駑馬
徘徊鳴梁築室何以南梁何北禾黍而穫君何食願爲忠臣安
可得思子良臣良臣誠可思朝行出攻暮不夜歸

巫山高

古詞言淮水深無梁可渡臨水遠望思歸而已後
之作者皆涉陽臺雲雨之說非舊意也

巫山高高似大淮水深難以逝我欲東歸害梁不爲我集無高
曳水何梁湯湯回回臨水遠望泣下霑衣遠道之人心思歸謂
之何

擬作

唐于子猷

何山無朝雲彼雲亦悠悠揚何山無暮雨彼雨亦蒼茫宋玉恃才
者憑虛構高唐自重文賦名荒淫歸楚襄我我十二峰永作妖

鬼鄉

上陵

漢章帝元和三年自作蓋因上陵而作之也

上陵何美美下津風以寒問客從何來言從水中央桂樹為君船青絲為君竿木蘭為君櫂黃金錯其間滄海之雀赤翅鴻白鴈隨山林乍開乍合曾不知日月明醴泉之水光澤何蔚蔚芝為車龍為馬覽遨遊四海外甘露初二年芝生銅池中仙人下來飲延壽千萬歲

將進酒

古詞曰將進酒乘太白大畧以飲酒放歌為言

將進酒乘太白辨加哉詩審博放故歌心所作同陰氣詩悉索使禹良工觀者若

君馬黃

夾漈云古辭但取第一句以命題未必專在馬

君馬黃臣馬蒼二馬同逐臣馬良易之有魏蔡有赭美人歸以南駕車馳馬美人傷我心佳人歸以北駕車馳馬佳人安終極

芳樹 其義未詳

芳樹日月君亂如於風芳樹不上無心温而鵠三而為行臨蘭池心中懷我悵心不可庄目不可顧妬人之子愁殺人君有他心樂不可禁王將何似如孫如魚乎悲矣

有所思

其詞大畧言其所思夾漈以漢食舉亦以此樂侑食也

有所思乃在大海南何用問遺君雙珠玳瑁簪用王紹繚之聞君有他心拉雜摧燒之推澆之當風揚其灰從今已往勿復相思相思與君絕鷄鳴狗吠兄嫂當知之妃呼稀秋風肅肅晨風

廳東方須臾高知之

雉子班

按樂府解題不過引古詞以釋其名夾漈以為樂府之題亦如詩題所謂關雉葛覃之類只取篇中一二字以命詩初無義也

雉子班如此之千雉梁無以吾翁孺雉子知得雉子高蜚止黃鵠蜚之以千里王可思雄來蜚從雌視子趨一雉雉子車犬駕馬滕被王送行所中堯年蜚從王孫行

聖人出 解語同前

聖人出陰陽和美人出遊九河佳人來駢離哉何駕六飛龍四時和君之臣明護不道美人哉宜天子免甘星筮樂甫始美人子含四海

上邪 其義未詳

上邪我欲與君相知長命無絕衰山無陵江水為竭冬雷震震夏雨雪天地合乃敢與君絕

臨高臺 解語同前

臨高臺以軒下有清水清且寒江有香草目以蘭黃鵠高飛離哉翻關弓射鵠令我主壽萬年收中吉

遠如期

一曰遠期樂錄曰漢太樂食舉曲有遠期魏省之遠如期益如壽處天左側大樂萬歲與天無極雅樂陳佳哉紛單于自歸動如驚心虞心大佳萬人還來謁者引鄉殿陳累世未嘗聞之增壽萬年亦誠哉

石留 其義未詳

石留涼陽涼石水流為沙錫以微河為香向始絲冷將風陽北逝肯無敢與于揚心邪懷蘭志金安簿北方開留離蘭

唐

唐鼓吹饒歌十二曲柳宗元作考紀高祖太宗功德一曰晉陽武二曰獸之窮三曰戰武牢四曰涇水黃五曰奔鯨沛六曰苞枿七曰河右平八曰鐵山辟九曰靖本邦十曰吐谷渾十一曰高昌十二曰東蠻按此諸曲史書不載疑宗元私作而未嘗奏或雖奏未嘗用故不被於歌云或類是云

晉陽武

隋亂既極唐師起晉陽平姦豪為生人義主以仁興武為晉陽武第一

晉陽武奮義威煬之渝德焉歸氓畢屠綏者誰皇烈烈專天機號以仁揚其旗日之昇九土晞訴田坵流共輝有其二翼餘隋斷梟驚連熊螭枯以肉勅者羸后土蕩玄穹彌合之育莽然施

惟德輔慶無期

右晉陽武二十六句句三字

獸之窮

唐既受命李密自敗來歸以開黎陽斥東土為獸之窮第二

獸之窮奔大麓天厚黃德狙獷服甲之橐弓弭矢箠皇旅靖敵逾蹙自亡其徒匪予戮屈贗猛虔慄慄縻以尺組噉以秩黎之陽土茫茫富兵戎盈倉箱乏者德莫能享驅豺兕授我疆

右獸之窮三十二句句其十八句句三字四句句四字

戰武牢

太宗師討王文建德助逆師奮擊武牢下擒之遂降充為戰武牢第三

戰武牢動河錫逆之助圖倚角怒敵彘抗喬嶽翹明芽傲霜霰
王謀內定申掌握鋪施芟夷二主縛憚葉戎麻封畧命之曹卑
以斯歸有德唯先覺

右戰武牢十八句句其十六句句三字二句句四字

涇水黃

薛舉據涇以死子仁杲尤勇以暴師平之爲涇水

黃第四

涇水黃隴野茫負太白騰天狼有鳥鷲立羽翼張鉤喙決前鉅
趨傍怒飛飢嘯翮不可當老雄死子復良巢岐飲渭肆翱翔頓
地紘提天網列缺掉幟招搖耀鎡鬼神來助夢嘉祥腦塗原野
魄飛揚星辰復恢一方

右涇水黃二十四句句其十五句句三字九句句四字

奔鯨沛

輔氏憑江淮竟東海命將平之爲奔鯨沛第五

奔鯨沛盪海垠吐霓翳日腥浮雲帝怒下顧哀墊昏授以神柄
推元臣手援天矛截修鱗披攘蒙霧開海門地平水靜浮天根
羲和顯耀乘清氛赫炎溥暢融大鈞

右奔鯨沛十八句句其十句句三字八句句四句

苞枿

梁之餘保荆衡巴巫窮南越良將取之不以師爲

苞枿第六

苞枿黜矣惟根之蟠彌巴蔽荆負南極以安曰我舊梁氏緝綏
艱難江漢之阻都邑固以完聖人作神武用有臣勇智奮不以
衆投跡死地謀猷縱化敵爲家慮則中浩浩海裔不威而同係
縲降王定厥功瀟漫萬里宣唐風蠻夷九譯咸來從凱旋金奏

象形容震赫萬國罔不奠

右苞栢二十八句句其十六句句四字二句句五字

九句句三字

河右平

李軌保河右師臨之不克變或執以降為河右平

第七

河右澶漫頑為之魁王師如雷震崑崙以頽上聾下聰驚不可
迴助讎抗有德惟人之災乃潰乃奮執縛歸厥命萬室蒙其仁
一夫則病濡以鴻澤皇之聖威畏德懷功以定順之于理物咸
遂厥性

右河右平十八句句其十一句句四字五句句五字

二句句三字

鐵山碎

突厥之大古夷狄莫強焉師大破之降其國臣于
廟為鐵山碎第八

鐵山碎大漠舒二虜勁連穹廬背北海專坤隅歲來侵邊或傳
于都天子命元帥奮其雄圖破定襄降魁渠窮竟窟宅斥余吾
百蠻破膽邊氓蘇威武輝耀明鬼區利澤彌萬祀功不可踰官
臣拜首惟帝之暮

右鐵山碎二十二句句其十一句句三字九句句四

字二句句五字

靖本邦

劉武周敗裴寂威有晉地太宗滅之為靖本邦第

九

本邦伊晉惟時不靖根柢之搖枝葉攸病守臣不任勤于神聖
惟越之興翦焉則定洪惟我理武和以敬羣頑既夷其績載正

皇謦載大惟人之慶

右靖本邦十一句句四字

吐谷渾

李靖滅吐谷渾於西海上為吐谷渾第十

吐谷渾盛強背西海以夸歲侵擾我疆退匿險且遐帝謂神武師往征靖皇家烈烈旆其旗雄虎雜龍蛇王旅千萬人銜枚默無譁束刃踰山徼張翼縱漠沙一舉刈膻腥尸骸積如麻除惡務本根况敢遺萌芽洋洋西海水威命窮天涯係虜來王都犒樂窮休嘉登高望還師竟野如春華行者靡不歸親戚謹要遮凱旋獻清廟萬國思無邪

右吐谷渾二十六句句五字

高昌

李靖滅高昌為高昌第十一

嫺氏雄西北別絕臣外區既恃遠且險縱傲不我虞烈烈王者師熊螭以為徒龍旂翻海浪驛騎馳坤隅賁育博嬰兒一掃不復餘平沙際天極但見黃雲驅臣靖執長纓智勇伏囚拘文皇南面坐夷狄千羣趨咸稱天子神往古不得俱獻號天可汗以覆我國都兵戎不交害各保性與軀

右高昌二十二句句五字

東蠻

既克東蠻羣臣請圖蠻夷狀如周書王會為東蠻

第十二

東蠻有謝氏冠帶理海中自言我異世雖聖莫能通王卒如飛翰鵬騫駭羣龍輒然自天墜乃信神武功繫虜君臣人累累來自東無思不服從唐業如山崇百辟拜稽首咸願圖形容如周王會書未末傳無窮睢盱萬狀乖咿嗚九譯重廣輪撫四海浩

浩知皇風歌詩鑄鼓間以壯我元戎

右東蠻二十二句句五字

擬宋鑄歌鼓吹曲

洪武宋景濂

藝祖生洛陽甲馬營中神光滿室有香郁然經宿不散此聖徵光見者也為啓聖徵第一

啓聖徵兆載先炎精降爛以鮮破重陰燭層玄合之暢神必宣應昌期馭宰權天序叶地執甄星游渚白帝廷氣貫月永殷年質往牒無不然惟皇符熾且騫著成烈在不刊

右啓聖徵曲凡二十二句句三字

藝祖將北伐師次陳橋驛諸將以黃袍加上身列拜庭中稱萬歲遂詣崇元殿行禪代禮為受周禪第二受周禪崇靈基飛龍在天黃道開躬握乾衡鎮坤機蒼精喪木無支黑光盪日見重輝天人同歷數歸靈承帝祐流鴻滋

章初若敦神爵集肉角來氓灑灑俗恢恢昭皇威時赫戲

右受周禪曲凡二十二句其十八句句三字四句

句四字

昭義節度使李筠據澤潞弗服上御六師平之為斯

老雄第三

斯老雄雄勢蹙連寇師樹高靈襲邊城施毒毒王赫斯怒誓加戮百萬獲貅若林盡行視嶠嶢勝平陸升城齊呼山嶽復飛矢貫臂拔其鏃雄斯窮界炎熇朱鳥鳴反舌縮反舌縮四海服

右斯老雄曲凡二十二句其十七句句三字五句

句四字

淮南節度使李重進不庭憑恃江淮招集亡命上親討之為長淮沸第四

長淮沸沸若湯有蛟下潛石作房腥沫旁灑示距四張欲鼓孽

浪浸日光真龍出火鬚明炳暴髓焦毒吼殲厥凶醜如刺狼水
安流若鏡平皇威洽歲澤滂建萬寓慶無疆

右長淮沸曲凡二十句其十五句句三字五句句
四字

上遣將討張文表假道荆南其主高繼冲懼奉表稱
臣為耀靈威第五

耀靈威奄八裔如山壓卵颯塵大帥率師手握矜策馬飲江
江水渾盪摩日月搖星辰孰敢效命誠以狗蠻荆輿視稱妾臣
翦拜柯條削其根一朝坐鎮百粵門南荒帖帖絕妖氛

右耀靈威曲凡二十句其十二句句三字九句句
四字

師克南平趨朗州武安節度使周保權拒命討獲之
為鷹之揚第六

我鷹之揚于彼南楚目城無全尚何有險阻虜周悒悒留莫構
思仇孽既殄胡反噬我師梟騎厲華旄旋海水立霄旭昏殺氣
回薄翳若煙濯征斯克功無前王度遠引摩不肩

右鷹之揚曲凡十八句其七句句三字九句句四
字二句句五字

諸將伐蜀取劍州蜀主孟昶封府庫請降為巴蜀平
第七

惟彼巴蜀務靡麗以夸金塊珠礫納政於邪於鑠王師如虎如
鷹捕夷凶族使民氣以攄足不加首臂豈大於股啓關迎降崩
角無敢後聲明宣派被區有百蠻來同孚至理上鄰三五皇德
羨且阜

右巴蜀平曲凡十八句其二句句三字十一句句
四字五句句五字

南漢劉鋹據嶺南良將征之鋹教象爲陣以禦我集
勁弩射之奔鋹遂詣轅門降爲象斯奔第八

象斯奔擴南燭闢重昏揭兩曜通粵海接閩徼虜初弗知跳踉
以戲敢持厥馘繼闢與集俱刀索氣銷始就縛三軍凱旋奏戎
樂威神出自天顯彼帝畧千秋萬年蒸庶和且延

右象斯奔曲凡十八句其八句句三字七句句四
字三句句五字

王師伐江南江南主李煜降時彗出柳歷與鬼爲彗
出柳第九

維彗出柳六合布新矧此彈丸何敢不臣調弓宛轉鐵騎恭渾
天慙未度已無江堧帝詔將臣俟其來賓慎毋疾擊以病吾民
長蛇成圍不異祥麟尋王旣降市無驚塵大旨皇化覃于至仁
右彗出柳曲凡十八句句四字

太宗旣繼太統平海節度使陳洪進獻漳泉二州爲
拓閩關第十

閩關屹南紀上應牛女星南將窺瘴海東或帶滄溟五季失羈
御藩鎮擅甲兵太阿旣倒持僭竊瀆恒經誰歟據二州於此建
節旌予奪自己出况復望來庭太宗嗣寶符渙號風霆行稽首
歸厥命覆冒仰三靈鞮譯通絕域珪瓚集明廷神猷杳難測穆
穆臻泰清

右拓閩關曲凡二十句句五字

吳越王錢俶見上

盛盡獻其土地爲吳越歸

第十一

皇王握神契重華叶帝暮神兵從天下歛忽千萬餘揮戈日爲
回投鞭海成枯奮擊人極間建侯飛電如錢氏最先覺方物久
內輸終知喬嶽尊丘阜欲何須登名獻天府不煩神戈誅帝德

統同極萬國混車書

右吳越曲凡十六句句五字

海內咸臣唯比漢假恩湯余上親征之其主劉繼元素服紗帽待罪臺下詔釋之為克戎逋第十二

汾晉十萬甲數葉偕為君蟠根欲弗拔毒虐我蒸民聖人攄武師威烈赫然振刀戟夜生火出入動若神方將藏下地芻已凌高是冇城皆作醢無甲不為塵戎逋膽已落舉族悉來臣群珉如流魚挈置瀛海津自茲遂生育陶然履泰淳阪泉著軒德丹浦明堯勛赫赫炎德殷末世同不泯

右克戎逋曲凡二十二句句五字

橫吹曲辭

按樂府集云橫吹其始亦謂之鼓吹後分為一有簫笳者為鼓吹用之朝會道路亦以賜有功有陳

角者為橫吹用之軍中馬上奏之解題曰漢橫吹曲二十八解李延年造魏晉以來唯傳十曲一曰黃鵠二曰龍頭三曰出關四曰入關五曰入塞七曰折楊柳八曰黃覃子九曰赤之揚十曰望行人後有關山月洛陽道長子道梅花紫騮馬驄馬雨雪劉生八曲合十八曲古辭多亡後人取六朝唐人詩以補觀覽然皆近體殊夫古義今皆不錄獨采古辭存者數篇并後人擬作者附之肅梁時又有橫吹等歌三十六曲其辭多亡止存企喻慕容垂木蘭等曲辭義皆無取今亦不載

出塞

晉書樂志曰出塞入塞曲李延年造按西京雜記曰戚夫人善歌出塞入塞曲蓋不起於延年也

候騎出甘泉奔命入居延旗作浮雲影陣如明月弦

擬作

唐杜子美

前出塞

戚戚去故里悠悠赴交河公家有程期亡命嬰禍羅君已富境
土開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走馬脫轡
頭手中挑青絲捷下萬仞岡俯身試塞旗

磨刀鳴咽水水赤刃傷手欲輕腸斷聲心緒亂已久丈夫誓許
國憤惋復何有功名圖麒麟戰骨當速朽

送徒既有長遠戍亦有身生死向前去不勞更怒嗔路逢相識
人附書與六親哀哉兩訣絕不復同苦辛

迢迢萬餘里領我赴三軍軍人異苦樂主將寧盡聞隔河見胡
騎倏忽數百羣我始爲奴僕幾時樹功勳

挽弓當挽強用箭當用長射人先射馬擒賊先擒王殺人亦有
限立國自有疆苟能制侵陵豈在多殺傷

驅馬天雨雪軍行入高山徑危抱寒石指落層冰間已去漢月
遠何時築城還浮雲暮南征可望不可攀

單于寇我壘百里風塵昏雄劍四五動彼軍爲我奔虜其名王
歸繫頸授轅門潛身備行列一勝何足論

從軍十餘年能無分寸功衆人貴苟得欲語羞雷同中原有鬪
爭况在狄與戎丈夫志四海安可辭固窮

後出塞

男兒生世間及壯當封侯戰伐有功業焉能守舊丘古墓赴薊
門軍動不可留千金買馬鞍百金裝刀頭閭里送我行親戚擁

道周班白居上列酒酣進庶羞少年別有贈含笑看吳鉤
朝進東門營暮上河陽橋落日照大旗馬鳴風蕭蕭平沙列萬

幕部伍各見招中天懸明月令嚴夜寂寥悲笳數聲動壯士慘
不驕借問大將誰恐是霍嫖姚

古人重守邊今人重高勳豈知英雄主出師亘長雲六合已一
家四夷且孤軍遂使貔虎士奮身勇所聞拔劍擊大荒日收胡
馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲帆轉遼
海粳稻來東吳越羅與楚練照耀輿臺驅主將位益崇氣驕凌
上都邊人不敢議議者死道衢

我本良家子出師亦多門將驕益愁思身貴不足論躍馬一十
年恐孤明主恩坐見幽州騎長驅河洛昏中夜聞道歸故里但
空村惡名幸脫免窮老無兒孫

折楊柳

古辭

唐書樂志曰梁樂府折楊柳歌即鼓角橫吹曲也

上馬不捉鞭反拗楊柳枝下馬吹橫笛愁殺行客兒

紫騮馬

古辭

古今樂錄曰紫騮古辭蓋從軍久戍懷歸而作也
十五從軍征八十始得歸道逢鄉里人家中有阿誰

擬作

梁元帝

長安美少年金絡錦連錢宛轉青絲鞵照耀珊瑚鞭

驄馬

梁車敕

總馬鏤金鞍柘彈落金丸意欲驂驪走先作野遊盤平明發下
蔡日中過上蘭路遠行須疾非是畏人看

劉生

梁元帝

遊俠有劉生然諾重西京扶風好驚坐長安恒借名榴花聊夜
飲竹葉解朝醒結交李都尉遨遊住麗城

文章辨體卷之七

文章辨體卷之八

海虞後學吳訥編集

樂府三

燕饗歌辭賓禮嘉禮

晉四廂樂歌

晉書樂志曰魏杜夔傳舊雅樂四曲一曰鹿鳴二曰騶虞三曰伐檀四曰文王皆古聲辭太和中左延年改騶虞伐檀文王三曲更作聲節其名雖同而聲實異唯鹿鳴不改後又改立三篇一曰於赫與鹿鳴同二曰巍巍用前改騶虞聲三曰洋洋用前改文王聲四則復用鹿鳴鹿鳴之聲重用而除古伐檀晉初食舉歌亦用鹿鳴武帝使荀勗等造正旦行禮歌一曰於皇當於赫二曰明明當巍巍